

BERITA

29/11/2024 / Sharir Aizat Kamaruddin



Arau, 18 Oktober 2024 – Universiti Teknologi MARA (UiTM) Cawangan Perlis telah menganjurkan program UiTM *Got Talent* sempena Festival Jubli Emas 2024 di Zon Kompleks STAR UiTM Cawangan Perlis.

Seramai 28 orang peserta telah menyertai pertandingan ini yang menjanjikan hadiah wang tunai, trofi dan baju tajaan Leprang Enterprise (LPRG).

Antara objektif penganjuran program ini adalah mencungkil bakat peserta dalam bidang nyanyian solo, menanamkan nilai dan semangat kekitaan dalam diri menggunakan pendekatan seni kreatif dan mengasah nilai insaniah dan teknikal dalam diri warga UiTM dalam bidang seni nyanyian serta memupuk nilai kebudayaan melayu dan menghargai karya penulisan dan penciptaan lirik yang dicipta oleh warga Malaysia.

Penglibatan pelajar dalam program ini memupuk nilai kepimpinan, kebudayaan, dan kesukarelawanan dan kemanusiaan dalam usaha meningkatkan kemahiran insaniah dan membentuk personaliti kelas pertama untuk memenuhi keperluan global.

Impak program ini kepada UiTM ialah melahirkan mahasiswa yang mempunyai kemahiran insaniah dan teknikal yang tinggi dalam aspek seni suara. Antara *Performance Indicator* (PI) yang terlibat adalah P1029 (*Number of leadership programmes*), P1037 (*Number of students involved in invention and innovation activities*), P1038 (*Number of programme/module related to patriotism & ESI-IDART initiatives*); dan P1039 (*Number of programme related to emotional well-being*).

Menurut YBr Pengarah program, Dr Mohammad Saifuddin Mohd Azami, tujuan penganjuran program adalah untuk mencungkil bakat nyanyian, kreativiti dan kemahiran lain di kalangan mahasiswa UiTM Cawangan Perlis dan pengunjung luar kampus. Beliau juga berkata melalui penganjuran program ini, para peserta boleh meningkatkan elemen jasmani, emosi, rohani dan intelektual luar akademik yang menjurus kepada aktiviti kebudayaan muzik yang positif dan bermoral.

Sebanyak dua pusingan diadakan yang mana para peserta berjaya di pusingan kelayakan layak bertanding di pentas final. Di pentas akhir, menyaksikan 13 orang peserta menunjukkan bakat nyanyian, kemantapan vokal dan persembahan kreatif. Juara UiTM *Got Talent* telah disandang oleh Dzachary Danial (Fakulti Sains Sukan dan Rekreasi), Naib Juara telah disandang oleh Muhd Iqbal Zamani (Fakulti Sains Gunaan), manakala Isfahan Adam (Fakulti Sains Sukan dan Rekreasi), mendapat tempat ketiga.